



Broj: 02-11-1431/26-AP-18
Datum: 01.09.2026. godine

Na osnovu člana 25. i člana 72. stav 3. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/22 i 6/23), člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Zimsko održavanje lokalnih cesta na području grada Zavidovići za sezonu 2026/2027. godina“ - LOT 3, Gradonačelnica Zavidovića, donosi

ODLUKU

Član 1.

Poništava se Odluka o izboru najpovoljnijeg ponuđača broj: 02-11-1431/26-AP-16 od 25.08.2026. godine iz razloga što drugorangirani ponuđač GTPD „POROBIĆ“ d.o.o. ZAVIDOVIĆI nije prihvatio ugovor o javnoj nabavci radova „Zimsko održavanje lokalnih cesta na području grada Zavidovići za sezonu 2026/2027. godina“ - LOT 3.

Član 2.

Prihvata se preporuka Komisije za javne nabavke, te se Ugovor o javnoj radova „Zimsko održavanje lokalnih cesta na području grada Zavidovići za sezonu 2026/2027. godina“ - LOT 3, dodjeljuje trećerangiranom ponuđaču „IKAN“ d.o.o. ZAVIDOVIĆI koji je dostavio ponudu broj: 37-08/26 od 07.08.2026. godine u postupku dodjele ugovora o javnoj nabavci radova „Zimsko održavanje lokalnih cesta na području grada Zavidovići za sezonu 2026/2027. godina“ - LOT 3 u kojoj je nakon e-aukcije ponuđena ukupna cijena od 46.838,61 KM (slovima: četrdesetšesthiljadaosamstotinatridesetosam i 61/100 KM) bez uračunatog PDV-a.

Član 3.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke u skladu sa članom 45. Zakona o javnim nabavkama.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa.

Član 6.

Ova odluka stupa na snagu danom donošenja.

O b r a z l o ž e n j e

Odlukom Gradonačelnice broj 02-11-1431/26-AP-2 od 17.07.2026. godine pokrenut je postupak dodjele ugovora za javnu nabavku radova „Zimsko održavanje lokalnih cesta na području grada Zavidovići za sezonu 2026/2027. godina“. Ova javna nabavka je podjeljena na lotove, a za LOT 3: " Zimsko održavanje lokalnih cesta na području koje gravitira MZ „Pašin konak za sezonu 2026/2027 godinu " koji obuhvata sljedeće putne pravce: Mećevići-Hajderovići, Hajderovići-Imamovići, Hajderovići-Mujkići, Mramorje-Mednik i Kruščice-Livade, Dolac-Rujnica-Tursići, u ukupnoj dužini 27,09 kilometara , (JRJN 45233141-9 - Radovi na održavanju cesta), procijenjena vrijednost (bez PDV-a) iznosi : 46.841,05 KM.

Postupak se proveo putem otvorenog postupka za koji je dana, 20.07.2026.godine upućeno Obavještenje broj 1374-1-3-203-3-108/26 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 10.08.2026. godine do 12,00 sati dostavljene su 3 (tri) ponude i to ponude sljedećih ponuđača po prijemu prispjeća:

1. „IKAN“ d.o.o. ZAVIDOVIĆI;
2. GP „HELDOVAC“ d.o.o. ŽEPČE,
3. GTPD „POROBIĆ“ d.o.o. ZAVIDOVIĆI.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

Nakon utvrđivanja sadržaja svih podnesenih ponuda, Komisija je utvrdila da su sve ponude blagovremene, formalno ispravne i tehnički zadovoljavajuće, jer sadrže sve priloge tražene kao u sadržaju navedenom u tenderskoj dokumentaciji predmetne javne nabavke za LOT 3.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 17.08.2026. godine, Komisija za javnu nabavku Grada Zavidovića dostavila je Dopunu zapisnika o pregledu i ocjeni ponuda nakon E-aukcije za LOT 3. broj: 02-11-1431/26 od 17.08.2026. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	GP „HELDOVAC“ d.o.o. ŽEPČE	46.757,34 KM
2.	„POROBIĆ“ d.o.o. ZAVIDOVIĆI	46.837,25 KM
3.	„IKAN“ d.o.o. ZAVIDOVIĆI	46.838,61 KM

Ugovorni organ je dana, 18.08.2026. godine donio Odluku broj 02-11-1431/26-AP-11 kojom je prihvaćena kao najpovoljnija ponuda ponuđača GP „HELDOVAC“ d.o.o. ŽEPČE. Dugorangirani ponuđač GP „HELDOVAC“ d.o.o. ŽEPČE, nije dostavio dokumentaciju iz člana 45. Zakona o javnim nabavkama.

Kako je rok za dostavu dokumentacije istekao, u skladu sa 72. stav 3. Zakona o javnim nabavkama ugovorni organ je dostavio Odluku broj 02-11-1431/26-AP-16 od 25.08.2026. godine i dodijelio ugovor drugorangiranom ponuđaču GTPD „POROBIĆ“ d.o.o. ZAVIDOVIĆI.

Drugorangirani ponuđaču GTPD „POROBIĆ“ d.o.o. ZAVIDOVIĆI također nije prihvatio ugovor na način da nije dostavio dokumentaciju iz člana 45. Zakona o javnim nabavkama, te je u skladu sa 72. stav 3. Zakona o javnim nabavkama, gdje je propisano da ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, odnosno drugorangiranog, te je ugovor dodijeljen trećerangiranom

ponuđaču „IKAN“ d.o.o. ZAVIDOVIĆI u postupku javne nabavke radova „Zimsko održavanje lokalnih cesta na području grada Zavidovići za sezonu 2026/2027. godina“ - LOT 3.

Dostavljeno:

1. IKAN“ d.o.o. ZAVIDOVIĆI
2. „POROBIĆ“ d.o.o. ZAVIDOVIĆI
3. U spis.

Dostavljeno:

1. Učesnicima u postupku
2. U spis.

PO RJEŠENJU GRADONAČELNICE
broj: 02-04-109/26-AP-10 od 23.02.2026. godine

POMOĆNIK GRADONAČELNICE
Midhat Bajramović, dipl. ecc.

Akt pripremila:

(Sanela Mulahasanović)

